

others

其他資料

99年華仔座枱月曆已推出發售，有興之會員請於辦公時間到天廚中心「華仔天地」購買。



「華仔天地」負責人：

HELLO!

睇咗 56期會訊後忍唔住要寫信嚟讚下你哋，真係太「正」啦！唔講D內容豐富多彩，淨係小冊子這種形式就讓我喜歡到不得了，起碼唔好似以前咁頭來倒去睇到眼花啦！

「天地追擊」唔知係咪個固定欄目咧？如果係就好啦，因為對於我們這些外地嘅會員嚟講，可以睇到華仔親口談最新近況和一些「私房話」無疑係件興奮嘅事情！

「龍在江湖」還未上就可以第一時間目睹 Andy 在戲中的英姿，實在令我覺得身為 Fan-Club 嘅一員真係太光榮啦！

至于「顯身手」這個比賽好啱我心意，雖然我唔識繪畫但我想睇下別人係如何畫華仔的，因為我覺得佢好難畫，特別係可以畫到個神韻出嚟。

我有個建議，不如搞個什麼「情牽一綫」的徵文，因為每個 Fans 心目中的華仔都不會相同的，究竟她們接觸過的華仔是個怎樣的人呢，就寫寫 Andy 最讓自己印象深刻的東西，可能是一個眼神，一句說話，某些舉動，甚至乎發惡時的樣……我認，如此精采嘅華仔一定會有許多精采的東西留給我們的，不知這個想法可不可取？如果真有這個徵文的話我一定第一時間投稿的！

係啦，會訊上寫著的「華仔天地駐 XX 記者」的那些記者不知是當地人還是香港 Fan-Club 的人呢？9月 Andy 在內地的 Concert 我會去睇，也想到睇到嘅嘢寫成文字與「天地」人分享。我現在喺廣州一家報社裡實習，為期三個月。呢半個月嚟發覺自己都幾適合做記者，我認出年我畢業出嚟可能都會選擇做 Reporter 呢行嘅啦。我想問如果想成為 Fan-Club 駐某地記者是否要申請和考試呢？還是其實邊個都可以做的，只要提供令你們滿意的圖和文就得呢？希望得到你們的解答！

OK! 先談到這裏。祝：會訊和華仔一樣可以永遠充滿活力！


「華仔天地」廣州會員：Eva 上
AWCCN03

編輯部：衷心多謝你們的意見及鼓勵，謝謝！

此乃華仔天地之物品


為他人設想 請愛惜公物

閱讀後請放回原位



上·海·演·唱·會·攝·影

CONCERT IN SHANGHAI



content

會訊目錄



925 生日會
P.6-7

天地追擊
華仔助手 - 嘉莉
P.8-9



編者的話
P.3

華仔手記
P.4-5



天地快鏡
P.10

海外消息
P.11-13



顯身手
P.14



其他資料
P.16

CONTENT

editorial

編者的話

Reporter • TM



“您瘋我狂賀牛郎”生日會工作人員合照

又是一年一度的樂壇盛事來臨的日子，如果各位 Fans 有參加“您瘋我狂賀牛郎”生日會，定必記得“實至名歸”這句話，要做到“實至名歸”除了靠華仔全年的努力，亦需要我們實際的支持，希望大家齊齊執筆投票，這樣才有“實至名歸”的出現。

今期“天地追擊”專訪華仔身邊的一位得力助手“嘉莉”，嘉莉更暢談與華仔之相處，而下期“天地追擊”會再次追擊“華仔”，如果大家有些尖銳問題想問華仔，可以寫信給“天地追擊編輯部”收。



本刊保留一切版權。
任何本刊內圖文，
若未經出版人許可，
一經不得轉載。

All rights reserved by the
Publisher. No part of any
material published in this
news letter may be reprinted
or reproduced in any form
without the permission of
the Publisher.

Publisher 出版人：
Andy World Club Limited/
華仔天地有限公司

Editorial Department
編輯部：
Ponnie/Shun/Tsemay/Paul

Contributing Writers
內文作者：
Astor/Ivy/Kitty/Ponnie/
Shan/Venus/ Paul

Graphic Design 平面設計：
Front Design

Photographers 攝影：
Tsemay/Pineapple Boy

message

華仔手記

親愛的會員朋友們：

情與義，值千金。每天，我都會越來越信這一句說話。1990年已過了一大半，去年所有工作上的事情都已過去，有賴所有朋友的扶持，所有情心和仗義，使我今年所有的一切都能一一辦到家傳戶曉，靜在江湖，你是我的兒子，你出來的效果，都遠遠超出我的想像，至於我能在頒獎典禮上得到甚麼獎像，給予有意義，能拿到此獎是我和大家的努力得到公眾的肯定，拿不到，只是商業社會中一些暫時的現象，我們祇可以繼續努力，讓你們向前邁進。

我想有很多朋友支持我站台的，已經非常明白我，無論我工作上，私生活上都給我很大的

間，但有些朋友想像空間可以很大，有時會遇到有強大壓力，有時又同場令我艱難，但朋友們聊聊天，所以我希望一個時間讓會員可以跟我私人傾談，我在安排中希望可以很多很多和會，很快很快可以實現，「到時你可可互吐心事，話比之解更，到時你可可提問我問題，和向我訴說心中所想，我答應，不會守秘密的，」

（最有一年下來，我收集了心中最愛的綠歌味，我希望很快我就可以說出來，研究在球壇，在我自理想繼續向前衝，依舊懷着青樹，球壇老前輩，請大家的心，無論以後的怎樣，我有朝一日能見到大家，大家心裏，每天都是好時！

我要你的每天！！

華仔天地雜誌

5

birthday

party

活動・您瘋我狂賀
牛郎生日會

地點・灣仔會展

日期・98年9月25日

Reporter・Louisia



基：Can I have a kiss?!



勁射一陽指!



華：「送多幾個電話啦!」

BIRTHDAY



Simon：八美相伴!爽!



唔嚇死你，都笑死你!

在9月25日，剛剛舉行完畢之「您瘋我狂賀牛郎生日會」，相信大家對於這個派對的內容仍然記憶猶新。今次是以一個頒獎禮的形式做主題，華仔分別奪得最佳男主角、最佳廣告及最佳金曲，這三個獎項都是在我們心目中「實至名歸」。

好高興這是我首次能夠有機會參與做幕後工作，所以心情都非常緊張，戰戰兢兢，除了我之外，其他表演者在出場前都非常緊張，在吃飯的時候也食不下嚥，他們寧願坐在一角落努力排練及集中精神，培養情緒，務求在出場的時候有最佳的表現。

今次有位特別嘉賓「超人」吉田，其實是其中一位職員所扮演，在台下觀眾來看，可能只是穿一件普通超人衫，但背後卻有他的辛酸滋味，這件衫是貼身密封式，如果多穿過5分鐘就會覺得呼吸困難，超過十五分鐘就有休克的可能，但為了帶給華仔一份特別的生日禮物也在所不辭。

最後希望上述的頒獎禮生日會，是華仔將會得獎的預告。所以我們除了精神上也要行動上表示支持：「全力以赴，請投華仔一票，請盡快投他一票」。



多多益善，少少無拘!



HAPPY BIRTHDAY TO ANDY

華·仔·助·手 - 嘉·莉

interview

天·地·追·擊



記：你幾時認識華仔。

嘉莉：係一九九二年尾，華仔開始籌備第一個個人演唱會嘅時候，由藝能 Kitty Leung 介紹華仔我識。當時我未有嘢做，而演唱會又需要人幫手跟服裝，我之前係幫 Anita Mui，所以就識吓做。

記：華仔比你的第一個印象如何？

嘉莉：（沉思一會才回答）第一次見佢，感覺幾好，傾落好啱傾。其實我家姐亦係藝能工作及碰見華仔多次，但就覺得華仔好 Cool；但我就覺得唔係。有一次同華仔傾偈，我講番好多我過往做 Show 嘅經驗比佢聽，話唔佢都係第一次做演唱會，佢都好緊張，將會在演唱會時遇到乜嘢問題。

記：佢接唔接受你的意見？因為好多人都話佢唔會聽人意見？

嘉莉：或者咁講，當然要睇環境啦，我會坦白話佢知我嘅睇法，但最後嘅決定都係交比佢自己。

記：可以講吓你現時幫華仔工作嘅感受？

嘉莉：而家跟佢做嘢更加有默契。雖然中間有一段時間停咗幫佢，但我希望以後有機會再跟華仔做嘢。我覺得做嘢點解唔搵個好老闆，華仔係我見過之中最好嘅老闆，同佢一齊做嘢好開心，而家佢唔單止係我老闆，但亦係我一個好朋友，我好了解佢需要 D 乜嘢。

記：其實你而家的工作範圍係做乜嘢？

嘉莉：以前主要係度電影期，Alex 就跟唱片方面嘅嘢，Simon 就做司機。我覺得我哋三個人係非常合拍嘅鐵三角組合。間中大家都會取笑對方，但當做起事上嚟，就會好認真，好有默契，有一段時期停咗無做。Simon 就開始跟度電影期。而 Chambo 原先係唱片公司做，後來幫華仔做嘢。而我停咗一段時間後再幫華仔，就跟 on show、度期及出埠。我自己比較喜歡跟出埠嘅嘢。係香港我主要跟一啲大期及電話聯絡嘅工作。

記：你係工作上上面有冇遇到難題？因華仔係天王巨星，個個人都想爭住要佢。

嘉莉：做落咗就會知道點樣處理。你雖然係佢助手，但唔可以表現到好囂張，

總之以禮待人，要用好婉轉嘅語氣同人解釋。有時都會遇到難題，好似唱片公司要你做，但 Management 又話唔使做，最後我會同老闆講，等佢自己決定。

記：其實你嘅主要工作係度期，好似好濕碎，你點睇這份工作？

嘉莉：（她不假思索便回答）我自己就覺得好滿足，工作係濕碎，但你而家可唔可以搵到人咁樣 take care 佢？而工作分配係好重要，直至而家我老闆好滿意我嘅安排，可能係之間的最大默契，我望一望佢就了解佢的需要，所以要眼不離佢。我覺得跟佢都跟得幾貼，甚至透過與佢眼神接觸，我已經知道佢想點，這種默契唔係一朝一夕，而係多年合作得番嚟！

記：你有冇為自己將來打算？會唔會以此份工為終身職業呢？

嘉莉：我無咗過這份工是終身職業。但現在嘅工作我感覺非常開心，如果做其他嘢可能唔會咁開心，以前曾經想過開間餅舖或 Pan Cake 舖，但發生咗一件事令我改變，如果有得揀，點解唔揀做得開心嘅嘢嚟做。其實我除咗幫華仔之時，仲有幫 Polly，同 Polly 認識係因為攞華仔演唱會。Polly 教咗我好多嘢，比咗好多機會我嘗試做其他類型 Concerts，好正，你諗吓係紅館，坐係個 Panel 上面有



機會做成個演唱會，Polly 就覺得我好適合做製作，但我有野心去做一個 Producer，現在我全心全意去幫華仔做嘢，而家每日返工都好開心，太過安於現狀。

記：其實華仔這幾年起伏都好大，你覺得佢有乜嘢改變，或者係性格、其他方面？

嘉莉：佢變咗好多，由我第一次做 Concert 認識佢，正正式式幫咗佢第三場 Show 之後，華仔就問我，其實你有冇嘢做？不如你嚟幫我手啦，咁就請咗我。係 1993 年 4 月 1 日愚人節返工，工作一段時間之後，佢真係值得幫，初初發覺佢嘅脾氣都幾大，而華仔曾經同我講過，如果佢發脾氣，叫我行開吓，比佢靜吓，但就會好快有事。其實最重要係做錯事要認錯，你同佢講對唔住，但就會咩事都無，你同佢拗就出問題，寧可冷靜過後同佢解釋，佢還可接受，係再幫佢這段時間，從 97 年 8 月，覺得佢變咗好多，但睇開咗好多，華仔曾說：責罵是否可以解決問題？不如諗吓點樣解決件事還好。如果而家仲有嘢令到佢發脾氣，個件事一定係好嚴重，佢開心咗好多，成日會有笑容，可能係這行咁耐，佢已經接受咗。有人會鍾意你，有人唔鍾意你，只好隨緣囉！

記：咁你有咩說話想同老闆講？

嘉莉：叫佢唔好炒我囉！（說後大家也禁不住大笑）希望佢開心 D，希望我嘅開心可以傳染比佢。

記：係華仔天地十週年，你同華仔一齊唱歌，好受歡迎，有冇咗過同華仔

合唱一首歌玩吓呢？

嘉莉：我唔得㗎，玩吓就可以，又有咗過咁 formal 個種去合唱。

記：玩吓唔緊要，或者老闆作曲、填詞，係 Fan Club 內播。

嘉莉：我怕就係因為咁，我哋會啱交。（哈！哈！）

記：有陣時 D Fans 都激得華仔幾翻，你有咗同 Fans 講？

嘉莉：其實佢哋比我更加了解華仔，可能深過我認識佢，只不過我係接觸佢的機會多 D，我識得係適當的時候同華仔講適當的嘢，老闆成日講好心做壞事，Fans 講嘅嘢，無論好與唔好，華仔真係會聽入耳，盡量唔好比機會華仔發翻，應該盡量吓佢的工作，唔好係佢情況唔許可下要求華仔做 D 嘢，我已經覺得佢係一個好好的藝人，佢好鍾意覆 Fans 的信，由我識佢開始，這件事我幾深刻嘅，我好 appreciate 佢，你哋對佢的支持係有白費，你哋付出幾多，佢會照收，亦會交足功課。

記：可唔可以講你同老闆一齊，一件最難忘的事？

嘉莉：係 93 年我入院嘅時候，佢同 Alex、Simon 係 Q Sound 錄咗首情人 Happy Birthday 比我，這件事最難忘，最感動。

記：你可唔可以透露華仔嘅一件秘密，外間無人知架？

嘉莉：（沉思很久）無，真係唔曉得，佢好 open，無乜嘢秘密。

記：或者華仔每次出埠，有乜嘢係一定要帶，係比較特必嘅？

嘉莉：火酒！用嘅汗味，同埋可以散熱。

記：你同華仔相處咁耐，有冇試過佢會取笑你一 D 死穴，大家唔睬幾日？

嘉莉：無試過，笑就笑，唔會真係翻，相反華仔會幾識照顧身邊的人，好似大家一齊食嘢。佢記得我唔食得辣嘢，佢就叫有咁辣嘅嘢食。而係出埠的時候，可能係佢照顧我多過我照顧佢，但係最重要的係，一定要比佢，尊重佢，佢始終係老闆嘛！

記：佢有冇一 D 你認為幾有趣的嘢？

嘉莉：佢識畫畫你哋都知啦！華仔有時間就會畫，係畫卡通版的人物素描，一有時間便不停畫，佢曾經幫我畫過一張，有機會比你哋睇。我覺得佢其實係一個好靜的人，你會覺得佢同娛樂圈的人，唔係好熟，相反幕後的人，佢個個都記得及留意，可能佢覺得幕後的人，會比較真 D。



snapshots

天·地·快·鏡

活動·98馬季開鑼
比演賀賓

地點·沙田馬場

日期·98年9月6日



SNAPSHOTS



華·好·日·子

活動·華·好日子

地點·跑馬地馬場

日期·98年9月20日

Reporter·小芳

相信除了筆者以外，還有千多名嘉賓及會員亦不會忘記9月20日在跑馬地馬場欣賞「好日子MTV首播」的盛大場面。而欣賞MTV之同時，場內不時有歌迷大叫「華仔真係好有型……」

由港台「娛樂滿天星」為華仔提前舉行一個戶外生日會，場面非常熱鬧：除了遊戲節目外，主持人更不時走到觀眾席找嘉賓向華仔賀壽；而華仔更大談自己的生日願望呢！

數當日最令人難忘的算是2名小Fans自唱自跳的「掛念」及各會員團結一致的支持「華仔」，相信各華仔天地會員都會一生一世支持他，華仔亦會為我們而驕傲！！



overseas

海·外·消·息



9月27日好熟悉的數字囉！啊對了它就是華仔的生日。在這特別的日子裡，華仔天地舉辦了「熱血一日捐，歡樂滿心田」的捐血活動。分佈於北、中、南三地，讓各地的會員可以就近參與這個有意義的活動。

雖然當天老天不作美，但是會員們還是風雨無阻的陸續前來捐血。會員們所捐的血，雖然只是小小的一袋，但卻可以讓需要幫助的人得到幫助，想必大家心裡是充滿了歡樂。

「為善最樂」每位參與本次活動的夥伴同仁，臉上無時無刻的流露出開心的笑容，相信這會是大夥送給華仔的最佳生日禮物吧！希望華仔心中會有開心的感覺。祝：生日快樂！

活動·297捐血日

地點·台灣

日期·98年9月27日



OVERSEAS

台·灣·816·華·眾·取·寵·慶·生·會

8月16日一個令人歡欣的日子，也是華仔天地台灣分會為華仔慶生舉辦華眾取寵壽宴的好日子。

華仔天地特別安排了一些比賽項目。第一個是在蛋糕上發揮創意，做出一個花俏的圖案；第二個是「天長地久」，看誰能在最短的時間內將九條九十九公分的蠶線吃完，當然由華仔先示範表演，華仔表演果然令人嘖嘖；第三個是每桌30粒紅蛋，在30秒內撥完蛋殼，吃完蛋白，留下完整蛋黃才算分。

咱們今年送給華仔的生日禮物是「傲氣雄鷹」期盼華仔飛得更高更遠，華仔當然允諾，一定拿回香港擺在床頭，收下生日禮物，華仔也立刻送上一份神秘大禮「台灣首次宿營」不蓋你。

「華仔，謝謝你給了我們這麼特別的一個回禮，真的感謝你。」我想這是每一個與會人員的心聲。並真誠的祝華仔生日快樂！

活動·台灣 816 華眾
取寵慶生會

地點·台灣台北 SOGO

日期·98年8月16日



拍·賣·中·之·拍·賣



overseas

海外消息

活動·拍賣中之拍賣

地點·多倫多嘉賓酒樓

日期·98年9月18日

Reporter·華仔天地
駐加拿大
記者

為了響應劉德華慈善基金會的拍賣，於7月10日零晨（多倫多時間），眾幹事用長途電話參與競投工作，終以港幣\$22,000元投得偶像珍藏衣物一批以慰加國歌迷夢中迴響。

這批衣物由專人護送回加國—多倫多，於9月18日晚上，適逢華仔生日會慶祝，作別開生面的“拍賣中之拍賣”，當時會員競投熱烈，最後得港幣\$14,000元的成績再次送到基金會的懷抱，兩次善款總數為\$36,000港幣。

這個數目雖然不能代表什麼，但在華仔生日會中滿溢的濃情，非金錢所能比擬，我們只為一個共同目標“支持華仔”“愛護華仔”深深留下一個不可磨滅的烙印。

默祝語：“年年德華生辰快樂 歲歲歌迷齊賀安康”



華·仔·98·生·日·會 / 馬·來·西·亞



今次華仔來大馬除了擔任「仿天王劉德華全國卡拉OK大賽」評判之餘，還抽空出席由本會特為他提早而設的生日派對。

「華仔生日五重奏」上除送上一個性感美人魚模型蛋糕外，本會亦送上一對可愛的牛仔與牛女新郎新娘扮像的音樂盒給華仔，希望華仔早日找到他心目中的女人。

本會亦特別制作了一個「華仔14年首本名曲回憶錄」，特輯尾聲中有言：「華仔對樂壇的貢獻有目共睹，華仔對音樂的熱誠，我們亦永遠珍惜。對您的支持是永恆不變，永遠記得與您渡過的每一刻，最後希望華仔在歌唱方面能取得更輝煌的成績，加油啊！華仔……」

活動·華仔98生日會
／馬來西亞地點·吉隆坡
Hotel Nikko
Junior Ballroom

日期·98年8月6日



活動·〈校園巨星排行榜〉頒獎禮

地點·台灣

日期·98年8月8日

Reporter·華仔天地
台灣分會
記者

〈校·園·巨·星·排·行·榜〉·頒·獎·禮

8月8日是“校園巨星排行榜”頒獎的日子，許多巨星都會親自蒞臨參加盛會，我們的華仔當然也不例外。

華仔天地辦公室也準備了各式的紙牌，標語，發給大家，讓人手一牌，突顯整個區域的標語，為華仔加油!!



待華仔一出場，華仔天地便全體起立歡呼向華仔致意，原來要安排華仔從觀眾席現身，由會員們護送他直到台上的計劃也臨時取消，可能是怕秩序會大亂吧！不過會裡還是安排了兩大束花上台獻給華仔，十足的撐起了場面。



星·加·坡·會·員·特·設·小·型·慶·功·宴·為·華·仔·祝·賀



華仔勇奪98年星加坡最受歡迎男歌手。

活動·星加坡會員特
設小型慶功宴
為華仔祝賀

地點·星加坡

日期·98年10月3日

自 56 期會刊登出“顯身手”後，來稿者多達百多人。

經過“華仔”在眾多稿件中，挑選出 3 位優勝者及 7 位優異獎，頭三名優勝者將獲得由華仔親筆簽名 99 年精美座枱月曆壹個，其他 7 位優異獎的朋友亦能得到神秘禮物一份。而在今次未能入選的會員，亦不用灰心，因為我們在往後的日子裏，將會舉辦更多項目給大家再“顯身手”，請繼續支持華仔天地。

(得獎者將獲本會個別書面通知)

3 位優勝得獎者：

JP181 Mitsuko Wakaba



CN054 李琳



CN055 李雲



7 位優異得獎者：

D046 Queenie Yu Ho Man



CN002 張穎



SG056 Serene Ong Hui Kuan



CVT001 Ching Ching Wong



JP113 Yamanka Isayo



CTN0002 柯淑婷



B377 Ho Sze Wing



SOLE AGENT: KOKI MASUNAGA OPTICAL (H.K.) CO., LTD.
TEL: (852) 2771 0282 FAX: (852) 2771 2851